



SURAT EDARAN PENTADBIRAN
BILANGAN 5 TAHUN 2020

PENJELASAN MENGENAI CUTI HAJI BAGI STAF
DI
UNIVERSITI TEKNIKAL MALAYSIA MELAKA

Pejabat Pendaftar

17 Mac 2020 | 22 Rejab 1441H

Disalinkan kepada:

Naib Canselor

Timbalan Naib Canselor (Akademik dan Antarabangsa)

Timbalan Naib Canselor (Penyelidikan dan Inovasi)

Timbalan Naib Canselor (Hal Ehwal Pelajar)

Penolong Naib Canselor (Jaringan Industri dan Masyarakat)

Penolong Naib Canselor (Pembangunan dan Pengurusan Fasiliti)

Pegawai-Pegawai Kanan

YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTeM.02.14.02/100-3/2/3 JLD. 2 (5)

17 MAC 2020
22 REJAB 1441H

SURAT EDARAN PENTADBIRAN BIL. 5/2020

PENJELASAN MENGENAI CUTI HAJI BAGI STAF DI UNIVERSITI TEKNIKAL MALAYSIA MELAKA (UTeM)

Surat Edaran Pentadbiran ini dikeluarkan untuk memaklumkan kepada semua staf Universiti Teknikal Malaysia Melaka (UTeM) berkenaan pemakaian Surat Edaran JPA.SARAAN(S) 43/36 Jld. 4(4) bertarikh 27 Ogos 2019 iaitu **Penjelasan Mengenai Cuti Haji Bagi Pegawai Perkhidmatan Awam**. Pihak Universiti melalui kelulusan Mesyuarat Lembaga Pengarah Universiti (LPU) Bil. 1/2020 bertarikh 25 Februari 2020 telah bersetuju menerima pakai dengan pindaan Surat Edaran tersebut untuk dilaksanakan di UTeM.

2. Sebagaimana dimaklumi, dasar kemudahan Cuti Haji yang diperuntukkan melalui Perintah Am 34 dan 35 Bab C (Cuti) Tahun 1974 serta pindaannya melalui Pekeliling Perkhidmatan Bilangan 4 Tahun 1984 (PP Bil. 4/1984) dan Pekeliling Perkhidmatan Bilangan 9 Tahun 1991(PP Bil. 9/1991).

3. Surat Edaran JPA.SARAAN(S) 43/36 Jld. 4 (4) bertarikh 27 Ogos 2019 menjelaskan pemberian kemudahan Cuti Haji seperti berikut:-

- a. diberi kepada staf beragama Islam untuk menunaikan haji di Mekah;
- b. bergaji penuh selama **40 hari termasuk hari rehat mingguan dan hari kelepasan am**. Pengiraan 40 hari (termasuk hari rehat mingguan dan hari kelepasan am) dikira berdasarkan tarikh permohonan staf untuk berlepas ke Tanah Suci dan tidak tertakluk atau dihadkan kepada tarikh penerbangan pulang dari Tanah Suci;
- c. hanya boleh diluluskan **sekali sahaja** sepanjang tempoh perkhidmatan seseorang staf;
- d. tertakluk kepada syarat bahawa staf itu **telah disahkan dalam jawatannya**.

- e. Sekiranya seseorang staf memerlukan tempoh lebih daripada 40 hari atas sebab-sebab tertentu, staf boleh memohon untuk menggunakan kemudahan **Cuti Rehat yang berkecukupan atau Cuti Tanpa Gaji jika tiada baki Cuti Rehat yang berkecukupan.**
4. Seperkara yang berkaitan, kemudahan ini juga dipanjangkan kepada staf **berjawatan sementara yang telah berkhidmat tidak kurang daripada enam (6) tahun secara berterusan** berdasarkan Lampiran D7 Pekeliling Perkhidmatan Bilangan 9 Tahun 1991 (Pelaksanaan Sistem Saraan Baru Berdasarkan Laporan Jawatankuasa Khas Kabinet Mengenai Gaji Sektor Awam 1991).
5. Bagi **staf lantikan kontrak**, kemudahan ini telah diberi kepada mereka seperti berikut:-

*'Pegawai yang telah berkhidmat secara **kontrak tidak kurang empat (4) tahun** boleh diluluskan Cuti Haji bergaji penuh tidak lebih 40 hari sepanjang tempoh perkhidmatan Kerajaan. **Bagi pesara yang dilantik kontrak, syarat tempoh perkhidmatan empat (4) tahun ini tidak terpakai sekiranya mereka belum pernah menggunakan kemudahan ini sebelum bersara**'. (Surat Pekeliling Pentadbiran Bilangan 3 Tahun 2017 (Penambahbaikan Kemudahan Bagi Pegawai Lantikan Kontrak (Contract of Service) Dalam Perkhidmatan Awam)*

Sekian, terima kasih.

"BERKHIDMAT UNTUK NEGARA"

"KOMPETENSI TERAS KEGEMILANGAN"

Saya yang menjalankan amanah,



MASDZARIF BIN MAHAT
Ketua Pegawai Operasi
Universiti Teknikal Malaysia Melaka